

Milaka arrain hil dira Allozko urtegian, eta beste asko Arga ibaira eraman dituzte

Gurelur talde ekologistak Nafarroako Gobernuaren «axolagabekeria» salatatu du


Eduarne Elizondo / Iruñea

Nafarroako Gobernuak Ingurugiro Sailak 10.000 arrain inguru bizirik atera zituen atzo Allozko urtegi-ko kanaletik, eta Arga ibaian bota zituen. Ordea, beste milaka arrain hil dira Allotzen, kanala urik gabe gelditu ondoren.

ALLOZKO urtegi-ko kanaletik 8.000 eta 10.000 arrain inguru bizirik atera zituzten atzo Nafarroako Gobernu Ingurugiro Saileko teknikariek, eta Arga ibaian bota zituzten, Garesen. Gobernu-ko arduradunek atzo aditza- eman zutenenez, astelehen goizean jakin zuten arrainak harrapatuta eta ia urik gabe gelditu zirela Allozko urtegi- tik Salado ibaira doan kana- lean.

Allotzen bi urtegi daude, bata bestea baino handiagoa. Ezbeharra, zehazki, urtegi txikienean gertatu zen. Kana- la urik gabe gelditu zen, Iber- drolak argindarrik gabe utzi zituelako urtegi-ko instalazio- ak, urtegi-ko hainbat kon- ponketa egin ahal izateko. Astelehen arratsaldean hasi ziren berriro urtegi txikitik kanalera ura botatzen.

Gurelur talde ekologista ez dago ados ezbeharri buruz Gobernuak eman dituen xehetasunekin, eta Allozko



JOSU SANTESTEBAN

Gurelur talde ekologistako kideek iazko azaroan Arga ibaira botatako arrainak.

urtegi-ko gertatzen ari zena- ren berri joan den astetik bazutela salatatu du talde horretako kide Antonio Munillak, EGUNKARIARI egin- dako adierazpenetan.

Gobernuaren «axolagabekeria»

Allotzen arrain asko hil dela nabarmendu zuen Munillak —50.000 milatik goiti—, eta

Allozko urtegi-ko arrainen afe- ra iazko azaroan hasi zela. «Azaroaren 8an urtegi handia hustu egin zuten hainbat konponketa egiteko, eta arrain guztiak —karpak, bar- boak eta loinak— txikira iga- ro ziren. Txikian, ordea, ez zen guztientzat adina ur. Joan den igandean, berriz, Lizarrako bizilagun batek dei egin zigun kanala arrainez beteta zegoela errateko».

Gurelurreko kideek milaka arrain eraman zituzten joan den astean Allozko urtegitik Arga ibaira, 28.000 inguru, hain zuzen ere.

Gurelur talde ekologistak Nafarroako Gobernuaren axolagabekeria salatatu eta Ingurugiro zuzendari nagusi Ignacio Elorrietaren dimisioa eskatu du. «Zer gertatzen ari zen bazekiten, baina ez dute deus egin».

Zubietan eta Arellanon bi lagun hil dira ezbehar banatan

■ Bata amildegi batetik erori zen herenegun; bestea motokultore azpian gelditu zen atzo

Europa Press / Iruñea

ZUBIETAN (Nafarroa), J.P.E. 85 urtekoa zendu zen astelehen gauean, etxean nekazaritza lanak egiten ari zela 25 metroko amildegi batetik erori oste- an. Gaueko hamaiketan jaso zuen horren berri Foruzaingoak, baina ordu batzuk lehenago hil zela adierazi zuen istripua izandako lekura joan ondoren.

Motokultorearen azpian harrapatuta

Arellanon, 66 urteko A.L.A.E. hil zen atzo goize- an, gidatzen zuen moto- kultorea eta atoia irauli eta azpian harrapatuta gelditu ondoren. NA-6.340 errepideko 19.900. kilo- metroan jazo zen ezbeha- rra, Urbiolatik Allorako bidean.

Foruzaingoaren arabe- ra, motokultoreak burua zapaldu zion A.L.A.E.ri eta horrek eragin zuen haren heriotza. Dena den, iker- keta egiten ari da gertaera- ren zioa argitzeko.

Gidatzen zuen motokul- toreak NA-63742-VE matrikula zuen.

Sareko Argiaren aurkezpena egin dute Koldo Mitxelenako Behatoki Digitalean

■ Astekariaren edukiak aurkitzeko bilatzailea jarri dute webgunean

Ainara Mendiola / Donostia

ARGIA astekariaren webgu- nea edukiak eta zerbitzuak berritzen ari da etengabe, eta bilatzaile bat jarri du martxan astekariko informazioa ara- katu eta berreskuratu ahal izateko. Testu libreetan, kar- petetan edo fitxetan bila dai- teke informazioa. Horrez gai- nera, beste hainbat zerbitzu eskaintzen ditu: euskal kul- turaren urtekaria, prentsa- ren laburpena eta jatorrizko testura jotzeko lotura, sagar- dotegien zerrenda eta mapa, Gotzon Garate idazleak egin- dako atsoitiz bilduma —eus- kara, gaztelera, latin eta inge- lesez—, 1963tik 1997 arte Ar-

gian argitaratu ziren elkarriz- ketak eta abar. Atzo goizean prentsaren aurrean aurkeztu zuten zerbitzaria Argia-ko zu- zendari Pello Zubiriak eta Gi- puzkoako Foru Aldundiko Kultura zuzendari Maria Je- sus Aranburuk; Koldo Mitxe- lena Kulturunean pasa den hilabetean martxan jarri zu- ten Behatoki Digitalean egin zuten aurkezpena.

Argia astekariak, Adur informatika enpresak eta Antza inprimategiak eratu zuten Sareko Argia 1997an. Aldizkariaren edukiez gain, propioak ere eskaintzen ditu, paperaren gastuak aurrezte- ak beste aukera batzuk ematen dituela eta. Adibidez,

sagardotegien txokoa ehun lotura dauzka, munduko leku askotan egiten baita sagardoa. Gainera, zenbait zerbitzu gaztelaraz aurki dai- tezke <http://www.vasconia.net> helbidean, Antzaren eskutik. Argiaren helbidea, oster, honakoa da: <http://www.argia.com>. Har- pidedunei testu formazioan bidaltzen diete informazioa —2.000 harpidedun ditu—.

«Gure teknologia hizkun- tza eta dokumentazio trata- mendua egiteko sortu da, baina kontuan hartuta estandar batzuek zailtasun handiak dituztela euskara- rekin. El Periodico de Cata- lunya-ko arduradun batzuek



EDURNE KOCH

Pello Zubiria Argia-ko zuzendaria eta Maria Jesus Aranburu Gipuzkoako Foru Aldundiko Kultura zuzendaria.

esan zutenean ideia zela periodiko pila bat katalanez eta beste pila bat espainolez edukitzea egunero, askok pentsatu zuten zoratuta zeu-

dela. Baina, denborak era- kutsi du ezetz. Gu desarroi- latzen ari garen teknologia bide horretatik doa», esan zuen Zubiriak.